


新疆图志

(二)

袁大化 修
王树枏等 纂


《新疆文库》编辑出版委员会
新疆人民出版社



新疆图志

(二)

袁大化 修
王树枏等 纂



《新疆文库》编辑出版委员会
新疆人民出版社



新疆图志(二) 目录

卷二十六	藩部一	689
卷二十七	藩部二	719
卷十八	藩部三	747
卷十九	藩部四	769
卷二十	藩部五	789
卷二十一	藩部六	809
卷二十二	职官一	835
卷二十三	职官二	863
卷二十四	职官三	923
卷二十五	职官四	971
卷二十六	职官五	1015
卷二十七	职官六	1033

卷二十八	实业一	1081
卷二十九	实业二	1117
卷三十	赋税一	1153
卷三十一	赋税二	1163
卷三十二	食货一	1193
卷三十三	食货二	1221
卷三十四	食货三	1235
卷三十五	食货四	1267
卷三十六	礼典一	1289
卷三十七	礼典二	1315
卷三十八	学校一	1351
卷三十九	学校二	1373

新疆圖志卷十六

藩部一

東西布魯特部

布魯特分東西部東部在天山北漢時為烏孫西部古所謂塞王

種也徐星伯本頰說讀塞為釋遂謂布魯特為釋種今布魯特不宗黃教徐說非是樓煩塞王蓋匈奴別種耳漢後為悅般國隋時屬突厥唐貞

觀中分國為十部左五咄陸右五努失畢號十姓以碎葉為宗會

即今特穆圖泊之地也按特穆圖淖爾在伊犁西南鄂果珠卡倫外四百餘里東西長而南北狹四面皆山山麓即薩爾巴喀什布魯特游牧地乾隆二十三年將軍兆惠奏渡伊犁河抵格根

哈爾奇喇詢問鄉導人云由特穆圖淖爾過巴爾琿嶺穿行布魯特境內計一月可至葉爾羌喀什噶爾考西域水道記云巴爾琿嶺險怪異常盛夏陰雷雪大如掌終古不消南踰嶺三十里曰素魯克人畜之骨布滿於路瘴氣昏蔽常如陰晦南行四十里至雅

滿伊什克乃見晴朗又西南行六十餘里為塔爾海嶺喀喇河發焉西流三百里為納林河洪流飛駛深不見底每歲兵行渡以浮橋渡納林河西南行四百五十里為蔥嶺北河烏蘭烏蘇之北岸矣是即由特穆圖淖爾穿行布魯特境內而至葉爾羌喀什噶爾

之路然以險僻絕少經行如昔耶律楚材邱長春劉郁皆經特穆圖淖爾越吹河以西復由石國而南繞道而行耳又查自伊犁西南出鄂爾果珠勒卡倫一百二十里經善塔斯嶺又五百八十里踰巴爾琿嶺又一百八十里渡納林河又四百五十里至烏蘭烏

蘇河凡一千二百三十餘里可馬行皆在布魯特境內無軍臺善塔斯嶺巴爾琿嶺皆蔥嶺也暨賀魯平置崑陵二都督府後併歸噶邏

祿西部在天山南漢時為捐毒休循二國地唐為大小勃倫西域

傳云直吐魯番而去長安八千里是也五季均入回鶻元隸別失

八里元帥府入我

朝東部役屬準噶爾畏迫西徙寓安集延乾隆二十三年將軍兆惠搜捕伊犁餘孽至其地其酋長圖魯起拜等遮道自陳言向爲厄魯特所阻外王化今西域蕩平所部人衆皆願內屬乞遣大頭目赴

闕輸款使至

高宗純皇帝優加賞賚布魯特偵知霍集占被圍葉爾羌波羅尼都將自喀什噶爾往援乃以兵襲其後及霍集占敗竄布魯特兵猶攻布喇村檄以逆賊兄弟已遁乃止三十年烏什逆回賴黑木圖叛潛其黨巴布敦赴霍罕乞援適伯克噶代默特遣屬赴厄爾格訥薩爾巴噶什諸部告言烏什外地皆安堵布魯特比齊里克齊乃誘巴布敦擒之以獻西部以額德格訥爲之長乾隆二十四年大軍追逆回經其地其酋長奉將軍書謹率所部自布哈爾以東二十萬衆盡爲臣僕遣使入朝於是布魯特十九部落皆內附

瀛環志略謂二十部誤

其游牧阿克蘇烏什西北者曰奇克里曰胡什齊曰諾依

古特曰薩爾巴噶什凡四部游牧喀什噶爾北與西及葉爾羌西南者曰冲巴噶什曰希布察克曰薩爾特曰奈曼曰喀爾提錦曰提依特曰圖爾格依格爾曰蘇勒圖曰岳瓦什曰額德格訥曰察哈爾雅薩克曰雅薩克曰巴奇斯曰蒙額勒多爾曰色勒庫爾凡十五部

漢西域圖考以冲巴布希察克薩爾巴噶什蒙額特多爾爲東部亦非是以新疆識略聖武記爲正

由鄂什口出葱嶺則諸部正當

其地也布魯特持教同回部而居無城郭游牧同厄魯特而不崇黃教人貧而悍善擄掠雖厄魯特强盛時亦不能禁大頭領稱爲比比以下有阿哈拉克齊大小頭目向皆由參贊大臣奏放給以翎頂二品至七品有差近伊犁者間歲遣領隊大臣親往巡查一次常年稽察約束則歸喀什噶爾參贊大臣專轄每歲遣人進馬酌給綢緞羊隻商回以牲畜皮張貿易稅減內地三分之一云道光五年波羅泥都之孫張格爾糾布魯特數百擾邊內地回戶多爲其耳目領隊大臣巴彥圖以兵二百出塞捕之不遇卽縱殺布魯特妻子百餘人而還其酋汰克勒恨甚率所部二千餘追覆官

軍於山谷賊遂猖獗連陷喀什噶爾葉爾羌英吉沙爾和闐四城張格爾旋爲揚威將軍長齡所擒伏誅其兄玉素普復糾安集延布魯特數千人入寇官軍敗之同治間安集延僞怕夏竄陷南路伊犁亦失布魯特在喀什噶爾城西北五部蘇勒圖察哈爾雅薩克巴斯奇斯薩爾巴什已投附俄羅斯冲巴噶什希布察克提依錦圖爾格依格爾岳百什額德格爾薩爾特色勒庫爾奇里克胡什齊諾依古特奈曼哈爾提錦蒙額德爾十四部落亦附安集延光緒三年大軍至喀什噶爾各頭目皆陸續來歸蓋喀什噶爾舊與浩罕所部安集延南境相接俄羅斯據浩罕舊部塔什干城併其三部浩罕遂亡安集延北境亦爲俄有阿伯古由南境糾其餘黨竄據回疆八城乃與俄約將南境之地併入回疆自爲一部此次安集延亡其南境又爲我有卽喀什噶爾西北卡外之地雖布魯特五部未賓而較舊日之回疆已曾式廓矣

見劉錦棠奏報

四年阿里達

什勾通布魯特頭目阿布都勒哈瑪等竄擾喀什噶爾近邊

欽差大臣劉錦棠率師勦之阿布都勒哈瑪遁入俄境復糾愛奇木汗條勒阿奇木汗條勒咬買提和卓等內犯衆至數千條勒和卓皆其教主之後愛奇木汗阿奇木汗本同胞兄弟卽張格爾孫玉素普之子也官軍有博斯塘克勒木吉兩大戰阿布都勒哈瑪復遁入俄南疆遂安蓋布魯特人凶很善戰且居兩國疆場之間惟視強弱以爲向背實邊外一逋逃藪也按同治三年中俄塔城記約第三條所載之轉東由特穆爾里克山嶺行圍繞哈薩克布魯特游牧之地至格格根河源卽轉向西南格格根河向西流水之處爲俄國地溫都布拉克等向東流水之處爲中國地自此往西南由喀喇山頂行至畢爾巴什山卽順向南流之達喇圖河至特克斯河過特克斯河順納林哈喇哈河

特克斯爲伊犁之大川西域水道記喀喇河發南山西北流經納林哈喇哈小卡倫北歸特克斯河注蒙古語納林

細流也

靠天山嶺爲界自此向西南分晰回子布魯特部落之處由特

穆爾淖爾南邊罕騰格爾薩瓦巴齊貢克魯喀克善山統曰天山之頂行至葱嶺靠浩罕爲界此布魯特分入俄屬之始又按中俄

改定條約第九條俄國所屬費爾干省與中國喀什噶爾交界地

方亦照兩國現管之界為定同治十一年俄滅霍罕建費爾干省是安集延南為中國所得

尚未劃與布魯特內附十四部落亦仍其舊又有光緒十四年自

俄之逃布魯特八十戶現居伊犁地方歸將軍管轄云查檔案布魯特百戶長托克托遜呈稱布

氏托克托遜等係布胡而特一族後輩子孫托克托遜之高祖博蘭拜因於國家出力仰蒙

大皇帝天恩賞珊瑚頂戴博蘭拜病故因伊子薩爾丕克年幼蒙恩給伊近支弟托克索巴

賞給珊瑚頂戴管撫部民薩爾丕克長大成人又蒙賞給紅頂薩爾丕克之子即係百戶長托克托遜其時年方十七歲仰蒙

賞給五品頂戴從前博蘭拜所管布胡爾特一族至今生齒繁多現在共有二十二個博羅斯人均歸俄國所管在熱海地方游牧托克托遜等亂後在俄屬為民十九年光緒九年大兵到喀喇沙爾隨遣托克托遜胞弟庫西克赴該處投誠又赴喀什見張帥

上稟請由俄屬索出等情及庫西克旋回已被俄人將布民搬赴阿特巴什等處九年托克托遜帶許多戶逃赴烏什土魯番地方在阿克蘇山住數年由冰嶺搬赴伊犁走至阿古牙孜地方即光緒十四年由納林郭勒出來俄兵夜間劫去三十多戶現在珀爾

日瓦拉烏牙孜屬下為民其戶在中屬者共有八十餘戶不歸哈薩管蒙恩照准另立一百戶長充當官差云云按熱海即特穆圖淖爾博羅斯猶哈薩克之言鄂拓克也

哈薩克部

哈薩克有左右西三部左部為漢堅昆地右中部右西部則漢康

居地也按諸書皆以哈薩克為康居地惟李恢垣漢西域圖考則以左部為堅目引漢宣帝時郅支北徙破堅昆後徙康居為說按唐貞觀二十三年結骨利會俟和發入朝以其地為堅昆都督府結骨利今塔爾巴哈合地則李說近是

隋時屬西突厥唐五德中統葉獲徙都千泉西域傳云碎葉城西

四百里至千泉南雪山三垂平陸多泉池突厥可汗避暑其中西

羸百里至怛羅斯城漢書所云王冬徙樂越匿地至夏所居蕃內

馬行七日者也

今哈薩克冬夏徙帳之俗相
似故諸書援此證為康居地

唐末屬葛邏祿五季後通稱回鶻

元為察八兒寬簡封地

部中

其自立國自明中葉始乾隆二十年準

噶爾平阿睦爾撒納旋叛逃左部誘其汗阿布賚拒我我軍敗之

明年將軍兆惠等西追深入阿布賚遣使請罪獻良馬且遣兵鄉

導前驅誓擒阿逆以獻適阿逆先覺遁俄羅斯阿布賚所遣前隨

阿逆之和集博爾根遂率三萬戶歛於軍門尋遣使札噶喇入貢

稱臣內屬受封爵是年秋參贊大臣富德率兵追捕準夷餘孽至

右部境會其汗與塔什罕部構釁互攻阿布賚使與我侍衛蒙古

爾岱單騎入兩陣前指揮宣檄皆解甲聽命右部汗阿布勒比斯

即日遣使入貢其書略曰左部與右部同為雄長今得均隸臣僕

請陪左部自效使至均

賜賚優渥二十八年西哈薩克啟齊玉茲部之努喇麗汗巴圖爾

汗烏爾根齊部之哈雅爾汗同遣使奉表貢

賜賚如左右部例左部逐水草為行國其常所會庭曰葉什勒傍

葉什勒河東去塔爾巴哈台南去伊犁皆千里東南去巴里坤四

千五百里其部曰鄂爾圖玉茲地廣人稀甲於他部設汗一轄衛

遜諸鄂拓克附崆郭羅卡倫及鄂果蘇勒卡倫在伊犁西素宛諸

鄂拓克附沁達蘭卡倫在伊犁北為最近阿塔海瑚素蘭諸鄂拓

克則去伊犁稍遠右二部有城郭按塔什干城舊為哈薩克之宗會此云右二部有城郭即指塔什干城而言其實右二部亦行國也右中

部置汗一又置王一其部曰齊齊玉茲轄色斯密奈曼及斯班奈

曼諸鄂拓克皆附塔爾巴哈台北為最近案諸書皆以左部轄衛遜素宛部諸鄂拓克右部轄奈曼諸鄂拓克惟漢西域圖考則反之誤

其右西部無汗置台吉四其部曰烏拉玉茲轄喀喇拜古特諸鄂

拓克處極西為最遠案理藩院哈薩古源流西部四台吉無汗漢西域圖考亦同而諺略所云之烏爾根齊部之哈雅爾汗固有汗稱烏爾根齊蓋即烏拉玉茲其初內附故同啓齊玉茲之努喇麗巴

圖爾並自稱汗後則僅封為台吉耳蓋哈薩克之有二玉茲如準部之有四衛拉特也諸部

均三年一貢其俗大抵與回人相似惟不禮拜諷經晏會以牛羊

馬駝為饌馬漣為酒以衣多為華美其各鄂拓克雖有頭目領之

然攘竊成風漫無約束其汗與蘇勒坦亦不能禁向例每遇冬季雪大許其附近卡倫牧放牲畜暫爲度冬每馬百匹例收稅馬一匹夏季展放卡倫其潛留者驅逐淨盡每年秋間其頭目各率所屬分運牛羊馬匹至伊犁塔爾巴哈台來易綢緞布疋各卡官兵查明稟報始准放入及貿易則另派官照料台吉頭日照例筵晏

按新疆識略哈薩克世系表三部共一百五十一鄂拓克汗瓦哩蘇爾坦所轄阿塔海阿爾幹諸鄂拓克共四十有四又瓦哩蘇爾五弟公台吉阿帖斯蘇爾坦等所轄共十七鄂拓克又公爵阿的勒蘇勒所轄玉遜諸鄂拓克共廿有五又合台吉伊壠克所轄素宛三鄂拓克共廿有八又哈薩克王姜霍卓所轄阿赫木博特素宛奈曼諸鄂拓克共廿有合公台吉等所轄穆隆奈曼等十二鄂拓克共二十有二又台吉哈木巴爾所轄拜古格特諸鄂拓克共二十有同治三年

中俄塔城記約第五條內載該人丁向在何處住牧者仍應留於何處住牧地面分在何國其人卽隨地歸爲何國管轄倘有由原住地方越住他處者卽行撥回等語又記約首段內載自沙濱達巴哈起至浩罕邊界之葱嶺止兩國中間應分界址順山嶺大河及中國常住卡倫議定交界又第三條內載由奎屯河西邊之奎塔斯山頂行至圖爾根河水從山內向南流之處卽順圖爾根河

依博羅胡吉爾奎屯齊齊幹霍爾果斯等卡倫至伊犁河之齊欽
 卡倫過伊犁河經西南行至春稽卡倫轉往東南至特穆里克河
 源轉東由特穆里克山頂行圍繞哈薩克布魯特游牧之地至格
 根河源即轉向西南格根等向西流水之處為俄國地溫都布拉
 克向東流之水為中國地等語又中段改訂條約第八條內載同
 治三年塔城界約所定齋桑湖以東之界應由兩國大臣勘改並
 將兩國所屬之哈薩克分別清楚此左右西三部哈薩克歸入俄

屬之由也

博羅胡吉爾奎屯齊齊幹春濟齊欽皆伊犁卡倫伊犁河水格根河溫都布拉河皆伊犁境水道記有特穆爾里克河歸崆吉斯河亦伊犁水約中所言齋桑湖以東之界並兩國哈薩克分別清楚是指左部哈薩克而

言所言博東由特穆爾里克山頂行圍繞哈薩克布魯特游牧之地是指右部哈薩克及伊犁所屬布魯特而言言順中國卡倫則卡倫以外之地劃歸俄界可知言圍繞哈薩克布魯特游牧之地則哈薩克布魯特之地面分隸俄屬即歸俄國管轄蓋又可知矣

據檔册今伊犁所屬僅一台吉部落二一曰黑宰一曰阿勒班光

緒八年六月黑宰台吉胡岱們都暨薩三伯里克德巴依等由伊
 犁東北山率領大小頭目二十餘人並氈戶三千餘人前來投誠
 將軍金順知照俄官遵照條約收回因黑宰哈薩克舊屬塔爾巴
 哈台參贊大臣所轄現塔爾巴哈台無地安插暫令博羅塔拉北

山一帶住牧奏請設立頭目三名放爲阿哈拉克齊交察哈爾領

隊大臣就近管束

後經奏請在領隊大臣中揀選一員隨時
奏明請旨派飭管理哈薩克事務

旋經署將軍錫綸奏請將

阿哈拉克齊改爲千戶長名目護將軍富勒銘阿復奏定津貼二

十五年將軍長庚因哈薩克生齒日繁奏請添設千戶長二名加

增歲收租馬一千匹並添設辦事筆帖式毛拉等員照章給予口

食銀兩由租馬項下支給

奏稿
附後

二十六年俄國送回哈薩克昆布拉

特所屬一百三十戶男女大小七百十三丁口昆布拉特本黑宰

同族黑宰千戶長伊斯拉木堅情願於所管游牧內設法歸併騰

出却爾角塔科克特齊地方給昆布拉特住牧卽歸該千戶長管

轄其百戶長卽以昆布拉特派充二十七年將軍馬亮奏據索倫

領隊大臣志銳勘得兩部落哈薩克共有八千九百餘戶丁口已

至四萬餘名黑宰部已添設五名外應再添千戶長三名每千戶

長屬下應有百戶長五十戶長照章添派其台吉阿拉巴特原有

焉耆戶口百餘戶現已奏請承襲應將焉耆戶口撥出外有昆布

拉特一名從俄國投歸作為中民應賞給千戶職銜令其管轄投

出之戶

三十二年將軍馬亮復奏請將千戶職銜昆布拉特改為千戶長並添設副千戶長一名所有千戶長一名歲支津貼銀六十兩

阿勒班一部亦增有四

百餘戶原祇百戶長一名難資約束應賞給副千戶職銜並添百

戶長三名以資分管又三十四年哈薩克部內有索勒唐克一族

分隸千戶長喀爾廸斯孜及額斯坦弼克兩人分管稟請併歸一

處另立千戶長管理又鄂囉宰一族稟稱該部人眾本係鄂囉宰

一人之後裔當日內附闔戶不足千戶致將廸毛鄂夏克兩個百

戶長所管戶口分隸千戶努素普屬下拜提色克齊菊巴昆泰嘉

叻克拜四個百戶長分隸千戶長布勒渾齊屬下骨肉分離請將

鄂囉宰一族併歸一處另立游牧添設千戶長一名管理副千戶

長一名幫同照料經署將軍廣福奏請均先後奉

旨准行今塔爾巴哈台所屬僅一公其部落二一哈爾齊立一塔

爾齊立

按右部舊有王爵一曰杭霍卓公爵三曰卓勒齊曰博浦曰庫庫岱所轄總名曰奈曼其所居之地名曰廣吉斯為哈薩總會之地今僅存公爵庫庫岱一支庫庫岱即後富將軍奏之庫古岱也

光緒十

七年哈蘇木罕病故二十一年護將軍富勒銘阿奏請以其長子

徵色罕承襲卽哈薩克王阿布勒必斯之裔也

按原奏湖查哈薩克王阿布勒必斯故後長子庫古岱於乾隆五十五年

進京蒙

賞寶石頂戴雙眼花翎庫古岱病故後伊子阿吉於道光五年承襲阿吉故後伊子哈蘇木罕承襲考新疆諷略哈薩克世次表庫庫岱哈薩克公阿布拉必斯六子所轄名赫爾吉奈曼十鄂拓克與理藩院哈薩克源流同蓋自

劃界以後南自善塔斯嶺北抵阿勒台山沿邊壤地皆俄屬哈薩克游牧之區往往闌入卡倫肆行劫掠加以陝甘叛回曾投俄籍亦假冒俄屬哈薩克出入兩國界內殺人行劫近年且有科塔兩城哈薩克混迹於俄屬哈薩克之中紛入兩路各山占據草廠游牧牲畜驅逐不出二十九年奉

旨清查經駐廸化俄領事知照有俄屬哈薩克氈房六十四頂發給執照以憑查驗俟科塔哈薩克一併逐回再行分別去留照約辦理三十二年塔爾巴哈台參贊大臣安成新疆巡撫聯魁會派員弁沿山搜索押令出境各回科塔本部落計共遷哈薩克一千餘戶東路一清又安參贊奏稱俄國哈薩克越居塔城境內支架無數氈房率牧大羣牲畜有執照者少無執照者明多爲謀生暗作不法每經破案緝獲報官照約送交俄領事懲治彼國刑律較

輕罪止押罰毫無儆畏其聚居游牧內之俄屬哈戶侵食水草占住場窩應納馬租曾未取給游牧公費更未攤出分毫柔懦者相安無事桀黠者不免因牧場冒相爭奪控經中俄局知會俄領事傳訊逐回訛以牲畜銀物被我收留領事偏信橫爭遷就了結尤有甚者本係早年分界劃歸中屬哈民一遇作姦犯科認成俄屬串通同住之俄哈賄通俄國邊界官員力爲索交歸俄冀圖免罪虛添無數之流氓實受難窮之隱害若不設法整頓日久率居人衆恃俄領事爲護符喧賓奪主甚爲可危迺於塔城城關設立巡警清源局檄委各員飭令趕速查明城鄉以及蒙哈各游牧內所有俄籍哈民是否單身携眷受僱傭工率牧牲畜何年月日越界來塔有無執照附居某頭目鄉約名下詳細編牌造冊一俟彙造齊全能否收回俄境抑另有妥爲安插之處再行知照俄領事會商酌並將中屬哈薩一律查明遇有過犯藉口俄籍脫卸可得箝制地步云云又上年特克斯川俄屬哈薩克蘭入邊界搶案疊出